

Broj:02-01-IX-240/15
Mostar, 10.11.2015. godine

IZVOD IZ ZAPISNIKA
s devete (IX) sjednice Skupštine
Hercegovacko-neretvanske županije-kantona

Sjednica je održana 10.11.2015. godine u zgradi Skupštine u Mostaru s početkom u 11:00 sati.

Sjednicu je otvorio predsjedavajući Skupštine Šerif Špago i pozdravio nazočne osobito predstavnike Udruženja osoba s invaliditetom u HNŽ/K.

Tajnik Skupštine, Željka Čule obavila je prozivku.

Nazočni: Mara Anđelić, Boris Bošnjak, Ilija Cvitanović, Osman Ćatić, Mesud Džajić, Ramiz Fajić, Luka Faletar, Zlatko Hadžiomerović, Anel Kljako, Osman Macić, Andrea Pehar, Tomislav Martinović, Zijat Mušić, Ante Pavličević, Davor Pehar, Đuro Prkačin Dario Pušić, Ivona Raguž, Zoran Raič, Vesna Saradžić, Emir Šator, Amir Šelo, Ajman Šoše, Šerif Špago, Ana-Marija Tadić-Jakovljević, Adnan Velagić, Drago Tule, Amer Zagorčić, Aner Žuljević.

Izočnih nije bilo.

Konstatirano je da je na sjednici nazočno **29** zastupnika, izočan **1**, te da postoji kvorum za rad i punovažno odlučivanje.

Predsjedavajući je napomenuo da je na mjesto Slađana Bevande mandat dodijeljen gđi. Stani Burić, koja iz zdravstvenih razloga nije bila nazočna na ovoj sjednici Skupštine HNK.

Nazočni po pozivu: predstavnici Vlade HNŽ/K, predstavnici međunarodnih organizacija i predstavnici sredstava informiranja.

Sjednica je javna, snimana je i snimci su sastavni dio ovog Izvoda iz zapisnika.

Predloženi dnevni red:

1. Zastupnička pitanja,
2. Informacija o položaju osoba s invaliditetom u HNŽ/K s prijedlogom mjera za poboljšanje statusa,
3. Prijedlog Zakona o izmjeni Zakona o porezu na promet nekretnina HNŽ/K (skraćeni postupak),
4. Prijedlog Zakona o izmjenama i dopunama Zakona o ugostiteljskoj djelatnosti HNŽ/K (utvrđen po hitnom postupku),
5. Prijedlog Odluke o postupku i uvjetima za utvrđivanje statusa građevina iz nadležnosti Županije izgrađenih bez pravomoćnog odobrenja za gradnju,
6. Mišljenje na Nacrt Zakona o riznici u Federaciji BiH.

Otvorena je rasprava o predloženom dnevnom redu.

U raspravi su sudjelovali: Šerif Špago i Amer Zagorčić.

Zastupnik Amer Zagorčić je, ipred Kluba SDP predložio da se 5. točka dnevnog reda Prijedlog Odluke o postupku i uvjetima za utvrđivanje statusa građevina iz nadležnosti Županije izgrađenih bez pravomoćnog odobrenja za gradnju, skine s dnevnog reda.

Usljedilo je glasovanje o prijedlogu zastupnika Amera Zagorčića.

Nakon glasovanja konstatirano je da prijedlog većinom glasova protiv nije prihvaćen.

Usljedilo je glasovanje o 3. točki dnevnog reda da se Prijedlog Zakona o izmjeni Zakona o porezu na promet nekretnina HNŽ/K razmatra po skraćenom postupku.

Nakon glasovanja konstatirano je da je jednoglasno prihvaćen prijedlog da se raspravlja po skraćenom postupku.

Usljedilo je glasovanje o 4. točki dnevnog reda: da se Prijedlog Zakona o izmjenama i dopunama Zakona o ugostiteljskoj djelatnosti HNŽ/K razmatra po hitnom postupku.

Nakon glasovanja konstatirano je da je većinom glasova za prihvaćeno da se o 4. točki dnevnog reda Prijedlog Zakona o izmjenama i dopunama Zakona o ugostiteljskoj djelatnosti HNŽ/K raspravlja po hitnom postupku.

Usljedilo je glasovanje o predloženom dnevnom redu.

Nakon glasovanja konstatirano je da je predloženi dnevni red većinom glasova za, s četiri (4) glasa protiv i jednim (1) suzdržanim glasom usvojen.

Usvojeni dnevni red:

1. Zastupnička pitanja,
2. Informacija o položaju osoba s invaliditetom u HNŽ/K s prijedlogom mjera za poboljšanje statusa,
3. Prijedlog Zakona o izmjeni Zakona o porezu na promet nekretnina HNŽ/K (skraćeni postupak),
4. Prijedlog Zakona o izmjenama i dopunama Zakona o ugostiteljskoj djelatnosti HNŽ/K (utvrđen po hitnom postupku),
5. Prijedlog Odluke o postupku i uvjetima za utvrđivanje statusa građevina iz nadležnosti Županije izgrađenih bez pravomoćnog odobrenja za gradnju,
6. Mišljenje na Nacrt Zakona o riznici u Federaciji BiH.

Predsjedavajući je napomenuo da su zastupnici dobili Izvod iz zapisnika s 8 sjednice Skupštine.

Otvorena je rasprava.

U raspravi su sudjelovali: Šerif Špagao i Đuro Prkaćin.

Zastupnik Đuro Prkaćin dao je primjedbu na neispravan popis nazočnih/izočnih gdje je pogrešno zapisano da je zastupnik Đuro Prkaćin izočan. Zastupnik Đuro Prkaćin je bio nazočan, a izočan je bio zastupnik Davor Pehar.

Usljedilo je glasovanje za Izvod iz zapisnika s 8. sjednice Skupštine HNK uz ispravku.

Nakon glasovanja konstatirano je da je zapisnik jednoglasno usvojen.

AD1. Zastupnička pitanja

Zastupnik Aner Žuljević

Ja imam inicijativu prema stručnoj službi Vlade i prema stručnoj službi Skupštine, da se sa službenih stranica internet i Vlade i Skupštine skine Ustav HNK-a u ovoj verziji koju imamo. Nažalost, mi već godinama imamo situaciju da na stranicama imamo ustav koji nema blage veze sa onim ustavnim uređenjem i dokumentom po kojem bi se mi trebali u Skupštini ponašati, apelujem jednostavno jednim zaključkom da se obaveže ustavna komisija da što prije uradi prečišćeni tekst Ustava, a u skladu sa svim onim amandmanima koji su bili proglašavani u prethodnom periodu i da nakon toga vratimo zvanično te dokumente kompletirane na internet stranice, jer mi imamo još guvernera i zamjenika guvernera kad je u pitanju Ustav HNK-a.

Zastupnik Amir Šelo

Ja bih imao jedno poslaničko pitanje prema Službi za zapošljavanje HNK-a i Ministarstvu zdravlja, rada i socijalne politike HNK-a. Zbog čega Služba za zapošljavanje HNK-a u prvostepenim postupcima ne priznaje ratnim vojnim invalidima koji primaju invalidninu, a koja prelazi mjesečno iznos od 25% prosječne plate u Federaciji, pravo na upis i evidenciju

nezaposlenih, iako se sva rješenja kojima je služba odbila pravo na upis u evidenciju nezaposlenih poništavaju žalbom u federalnom zavodu za zapošljavanje? Naime, šta me je ponukalo da postavim ovo poslaničko pitanje, u proteklom periodu od nekih pola godine određenim ratnim vojnim invalidima sam pomagao da pišu ove žalbe federalnom zavodu za zapošljavanje. Čovjek znači ratni vojni invalid je bio zaposlen u nekoj firmi, po prestanku rada u toj firmi čovjek hoće da se prijavi u službu za zapošljavanje, oni mu daju negativan odgovor. Znači oni se pozivaju tamo na odredbe člana 3 zakona o posredovanju u zapošljavanju, međutim svaka žalba koju sam ja pisao svaka je uvažena u federalnom zavodu za zapošljavanje. O čemu se radi? Znači tamo neće znači da se ljudima na šalterima, odnosno zaposlenicima službe, da se da tumačenje federalnog ministarstva rada i socijalne politike koji kaže da ratni vojni invalidi koji su korisnici lične invalidnine koja prelazi mjesečno iznos od 25% prosječne plate u Federaciji u smislu člana 3, stav 2, zakona o posredovanju u zapošljavanju kojima je prestao radni odnos imaju pravo da se u zakonskom roku prijave na evidenciju nezaposlenih osoba, a shodno navedenom po osnovu statusa o nezaposlenosti mogu ostvariti sva druga prava propisana zakonom. Znači u rješenjima prvostepenim koje izdaje služba oni se ne pozivaju na ovaj član, nego totalno drugačije tumače odredbe člana 3 B zakona o posredovanju u zapošljavanju. Također, pozivaju se i na presudu Ustavnog suda Federacije, koja čak i većini ratnih vojnih invalida nije dostupna. Ja sam ovdje napisao na tri stranice znači obrazloženje, znači poslaničko pitanje, jednom rečenicom obrazloženje, znači po svemu onome što sam pisao federalnom zavodu za zapošljavanje i od tumačenja ovoga, da se uvaži ovo tumačenje zakona o posredovanju i čak znači i ovu presudu koju pominju oni koja nema nikakve veze sa tom. Znači oni tumače da je invalidnina prihod, što totalno nije, znači invalidnina je neka druga vrsta primanja koja ne može ući u ovaj prihod koji prelazi 25% prosječne plate. Ja sam znači obrazložio ovdje detaljno sve ono što sam napisao federalnom zavodu za zapošljavanje, federalni zavod je to prihvatio, u svim slučajevima je poništio rješenja službe za zapošljavanje i ljudima je omogućio da se upišu u evidenciju nezaposlenih lica. Znači dugoročno da ne bi bilo da poslanici u Skupštini ne rade po tom pitanju ja bih apelirao i molio znači službu da mi pod hitno odgovori na ovo pitanje, po mogućnosti do sljedeće skupštine, jer ima još nekih takvih slučajeva, još sam trojici ljudi pisao žalbe federalnom zavodu za zapošljavanje, neće se sigurno ni u roku mjesec dana riješiti.

Imao bih jednu poslaničku inicijativu prema kolegiju Skupštine, da se na web stranici Skupštine izdvoji jedna posebna rubrika poslanička pitanja, da sva poslanička pitanja koja zastupnici postave budu objavljena u toj rubrici poslaničkih pitanja, zajedno sa odgovorom koji se nama dostavi. Zašto bi samo mi poslanici imali uvid u odgovore na poslanička pitanja, zašto to ne bi sve lijepo stajalo na web stranici Skupštine, kao što je recimo u kantonu Sarajevo i u nekim drugim kantonima.

Zastupnik Adnan Velagić

Ja imam jedno poslaničko pitanje i jednu inicijativu. Moje poslaničko pitanje odnosi se na ono što pitam, evo već drugi put, a to je, u kojoj je fazi rješavanje problema dežurne apoteke u Gradu Konjicu? Naime, to pitanje sam inicirao prije otprilike jedno pet do šest mjeseci, konkretnijih rezultata nemamo, nešto se kao poduzima, ali nemam informacija o tome zašto nije otvorena ta apoteka.

Drugo je inicijativa, odnosi se na ministarstvo obrazovanja. Naime, ova inicijativa se odnosi na dopunu zakona o visokom obrazovanju. Prijedlog dopune se odnosi na omogućavanje bržeg napredovanja u nastavna zvanja nastavnika koji su prije vremena ispunili sve uvjete osim vremenskog staža. Mi imamo danas situaciju na Univerzitetu, konkretno znači pozivam se na kuću iz koje ja dolazim, da određen vremenski period je nužan da protekne da bi nastavnik, odnosno saradnik, napredovao brže u zvanje, bez obzira ukoliko ispuni sve uvjete on ne može napredovati u više zvanje dok ne istekne tačno vremenski period. Pošto zakon o visokom obrazovanju dozvoljava i ima prostora moglo bi se znači u tom smislu nešto uraditi i stimulirati ostanak kadrova na Univerzitetu, koji je evo evidentno u jednoj negativnoj situaciji danas, fazi,

kako hoćete jeli. Naime, mi danas imamo situaciju da docent čeka pet godina, vanredni profesor šest godina da napreduje u više zvanje, bez obzira da je napisao deset knjiga, stotinu radova, itd., on mora čekati propisano vrijeme. Tako nije u pojedinim kantonima, konkretno Sarajevski kanton, omogućava se brže napredovanje i treba zakon o visokom obrazovanju da dozvoli i našim nastavnicima da brže napreduju. To će biti stimulirajuće, pa sam ovdje predložio ministru obrazovanja da docent ukoliko ispuni sve uvjete može mu se dati i dodatno nešto, da tri godine čeka, a vanredni profesor četiri godine. Ovo je prema ministarstvu obrazovanja.

Zastupnik Ilija Cvitanović

Imam inicijativu ili prijedlog inicijative, pa kako se to već zvalo. Dakle, u ovom vremenskom periodu kalendarske godine je očekivat rebalans proračuna sa znatnim smanjenjima u svim županijama, vjerojatno izuzev sarajevske. U tom kontekstu Vlada Federacije BiH je na jednoj od proteklih sjednica donijela odluku o smanjenju procenta sudjelovanja županija u javnoj raspodjeli financija sa 51,48% na 51,23%, s namjerom uvrštavanja Grada Sarajeva na jedinstveni račun sa 0,25%, a to sve zbog odluke Ustavnog suda zbog povrede prava na lokalnu samoupravu. Vlada je dakle smanjila ponder Sarajevskoj županiji sa 2 na 1,96, što smatram parcijalnim rješenjima budući da je Sarajevska županija u velikoj prednosti u odnosu na ostale sve županije, a ovom provedbom odluke Ustavnog suda i Grad Sarajevo u odnosu na ostale općine i gradove u ovoj županiji imat će puno lagodniju poziciju što se tiče javnih financija. Stoga predlažem da zastupnici kroz Dom naroda iz ove županije, budući da ih je velik broj, a ministara u Vladi Federacije iz ove županije je veliki broj, da pokrenu inicijativu za izmjenu Zakona o pripadnosti javnih prihoda. Tako da bismo imali pravedniju raspodjelu javnih prihoda po županijama i po općinama i gradovima.

Zastupnik Osman Ćatić

Moje pitanje bit će upućeno Poreznoj upravi F BiH i Zavodu zdravstvenog osiguranja HNK-a, a glasi: «Koliko se uplaćuje doprinosa za zdravstveno osiguranje Zavodu zdravstvenog osiguranja HNK-a? Molim da mi se dostavi tabelarni prikaz uplata doprinosa za osiguranike od strane obaveznika osiguranja sa područja svih opština u kantonu i Grada Mostara, ukupno za 2014. godinu i prvih 9 mjeseci 2015. godine.

Zastupnikca Andrea Pehar

Moje pitanje upućeno je Zavodu za zapošljavanje HNŽ-a, a ono glasi: „koliki broj neuposlenih osoba starijih od 50 godina vodi se u evidenciji Zavoda za zapošljavanje? Smatram da je to osjetljiva kategorija društva kojoj svakako treba pomoći pri zapošljavanju, odnosno rješavanju njihove egzistencije.

Upućujem inicijativu Ministarstvu kulture, obrazovanja, znanosti i športa HNŽ-a, da putem ravnatelja osnovnih škola usmjeri jednodnevne izlete i ekskurzije djece do 8.-og razreda škole, da to isto obave u našoj državi, dakle da se učenici osnovnih škola prvo upoznaju sa kulturnim i zemljopisnim bogatstvima svoje države, a tek poslije da upoznaju bogatstva drugih država. Time bi se uštedjela značajna sredstva kako roditeljima, tako i školama.

Zastupnica Vesna Saradžić

Ja imam dva poslanička pitanja.

Prvo moje pitanje je vezano za kvalitetnu strategiju za osobe sa kombinovanim smetnjama i interesuje me kad će se osigurati takva strategija, te realizacija podrške lokalnih potreba uključivanja u koncept podrške osoba starijih od obaveznog školskog uzrasta na individualnom nivou i na nivou porodice, jer time bi se kroz sistemsku plansku podršku održavanja usvojenih navika te učešća u radno okupacionim aktivnostima dao vid afirmacije tim osobama? Isto tako time bi se kao rezultat ostvarilo osiguranje povoljnih uslova za radno angažovanje kako članova porodice i osiguranja egzistencije te psihološka podrška zaštiti mentalnog zdravlja porodice. Mi znamo za Stolac, znamo za neke druge centre koji okupljaju

jedan dio ovih šticećenika, međutim isto tako postoji veliki broj njih koji ne žele da se razdvajaju od svojih porodica, tako da žive u kući bez ikakvog socijalnog života.

Moje drugo pitanje je vezano za nedavnu reformsku agendu o kojoj smo raspravljali ovdje u Skupštini i koracima koji stoje pred nama, odnosno pred našim kantonom vezano za domaću zadaću koju trebamo uraditi. Mi znamo svi da je Mostar administrativno sjedište HNK-a i shodno tome trebalo bi da prednjači i bude primjer po mnogo čemu. Nažalost, prva slika kad se uđe u Mostar ono što nas dočeka je to da prednjači kada je u pitanju smeće razbacano svuda, komunalni otpad i ovaj neadekvatno zbrinute deponije. Mene interesuje, kada i na koji način će se riješiti ovaj vrlo urgentan i očit problem, imajući u vidu poglavlje 27 koje predstavlja zaštitu životne sredine, a koje je bitno za pregovore sa Evropskom Unijom?

Zastupnik Zijat-Zijo Mušić

Ja sam obećao i nije ovo pitanje, moja rubrika do Božića i Nove Godine u tim pitanjima će biti nula, jer neću postavljat pitanja, samo ću pomoć ovoj Vladi do prvih 100 dana i pokrenut ću danas još jednu inicijativu. Mislim da trebamo ovo, današnja inicijativa moja će ići u pravcu da Vlada i resorno ministarstvo pokrene inicijativu o izmjeni Zakona o primanjima izabranih dužnosnika. Iz kojeg razloga? Zato što mislim da mi profesionalci u Skupštini HNK-a trebamo na neki drugačiji način regulisati kada su u pitanju naši prijevozi jer nemamo stalno radno mjesto, nemamo prostora ovdje, i drugačije regulisat u zakonu, ovo je zakonska osnova, topli obrok, ili te dvije stavke u potpunosti u zakonu o izabranim dužnosnicima obrisati ili riješiti na neki drugi način. Mislim da sadašnja primjena zakona i ono što je stvarnost nije to baš isto jer mi ovdje smo jednom ili dvaputa u mjesecu, a imamo topli obrok, imamo prijevoz, obračunat prijevoz od autobusa do sjedišta skupštine. Sve to nije precizno regulisano kako bi i onim koji obračunavaju, službama u skupštini omogućili da to bude na transparentan i zakonit način i kako bi mi kao poslanici i ljudi koje je izabrao narod bili transparentni u svojim primanjima.

Zastupnik Šerif Špago

Poslaničko pitanje upućeno Ministarstvima Vlade HNŽ/K-svi, Uredu Predsjednika Vlade HNŽ/K, Stručna služba Vlade HNŽ/K, Samostalne Uprave i Zavodi HNK/Ž, ZZO HNK-Služba za zapošljavanje HNŽ/K, Fond za zaštitu okoliša HN/K.

Uredbom Vlade HNK („Službene novine HNK“ br.3/10) regulisana su pitanja uslova i načina korištenja službenih putničkih vozila koja su vlasništvo HNK. Zaključkom Skupštine HNK („Službene novine HNK“ br.8/13) zadužena je Vlada HNK o sprečavanju nenamjenskog korištenja službenih vozila. Imajući u vidu da i dalje postoje zloupotrebe u korištenju službenih vozila, posebno člana 4. Pomenute Uredbe (korištenje službenih vozila u vanredno vrijeme za privatne svrhe), a na osnovu člana 128. Poslovnika Skupštine HNK („Službene novine HNK“ br.2/05), potrebno je da mi gore navedeni Kantonalni organi-institucije dostave sljedeće podatke:

- Ko od rukovodećih državnih službenika, savjetnika ili drugih zaposlenika (navesti naziv rukovodeće ili druge pozicije) u organima uprave HNK koristi službeno vozilo za dolazak ili odlazak sa posla ili koristi službeno vozilo 24 sata (podrazumijeva se da vozilo nije parkirano na parking u navedene institucije u vanredno vrijeme) i po čijem odobrenju-kojem propisu.

- Dostaviti podatke o ređenoj kilometraži i o potrošnji goriva za mjesec oktobar 2015. godine, pojedinačno za svako službeno vozilo, a koja koriste osobe iz prethodnog stava (ne dostavljati podatke za službena vozila koja koriste Predsjednik Vlade, ministri u Vladi HNK i direktori van budžetskih fondova).

Drugo poslaničko pitanje upućeno svim ministarstvima Vlade HNK, Uredu predsjednika Vlade HNK, Stručnoj službi Vlade HNK.

Na osnovu člana 128. Poslovnika Skupštine HNK („Sl.N. HNK“ br.2/05), potrebno je da mi gore navedeni Kantonalni organi uprave dostave pisani odgovor po sljedećem:

Šta je preduzeto na izvršenju Presude Kantonalnog Suda Mostar broj 07 0 U 009781 14 U od 6.8.2015. godine u predmetu isplate naknade za rad u komisijama, kojima je odbijena tužba

Ministarstva trgovine, turizma i zaštite okoliša HNK na Rješenje Ministarstva finansija o obustavi isplate naknada za rad pojedinih komisija?

Smatram da je Vlada trebala formirati interesornu grupu, koja će analizirati sve vezano za pomenutu presudu, i obezbjediti:

1. Povrat novčanih sredstava koja su isplaćena po rješenjima koja tretira Presuda Kantonalnog suda (donošenje rješenja o povratu novčanih sredstava dobrovoljno ili odbijanjem od plate).
2. Izvršiti analizu svih rješenja kojima su formirane razne komisije, a za koje je rješenjem predviđeno plaćanje istih, a koja shodno obrazloženju presude Suda nemaju pravo na novčanu naknadu, te naložiti rukovodiocima kantonalnih organa donošenje novih rješenja kojima će se regulisati da pomenute komisije nemaju pravo na naknadu, prioritarno za komisije koje su formirane u 2015. godini, jer za iste još nije isplaćena novčana naknada.
3. Izmjenu Pravilnika o sistematizaciji radnih mjesta u organima Uprave, u kojima će se precizno navesti poslovi koje pojedini zaposlenici obavljaju, a za koje su do sad formirane razne privremene ili stalne komisije.
4. Izvršiti analizu Pravilnika o formiranju komisija i načina plaćanja, te iste uskladiti sa planiranim mjerama štednje ili staviti iste van snage.

AD 2. Informacija o položaju osoba s invaliditetom u HNŽ/K s prijedlogom mjera za poboljšanje statusa

Materijale je uputila Vlada.

U ime predlagatelja obrazloženje je dao ministar zdravlja, rada i socijalne skrbi Goran Opsenica.

Nakon izlaganja Ministra Opsenice, predsjedavajući je dao riječ predstavnicima udruženja osoba s invaliditetom u HNŽ/K gđi Jasni Rebac, i gđi Danijeli Kegelj.

Otvorena je rasprava.

U raspravi su sudjelovali: Šerif Špago, Elmir Šator, Tomislav Martinović, Amir Šelo, Mara Anđelić, Davor Pehar.

Predsjedavajući je predložio stanku, kako bi zastupnici, koji imaju prijedlog zaključka, mogli iste dostaviti u pisanoj formi, kako bi se usuglasile i predložile na usvajanje.

Usljedila je stanka.

Sjednica je nastavljena u 12:50 sati.

Predsjedavajući je konstatirao da postoji kvorum za nastavak Sjednice.

Zamjenik predsjedavajućeg Skupštine HNŽ/K Tomislav Martinović pročitao je zaključke kako slijede:

Zaključak 1. „Zadužuje se Vlada HNŽ/K da u roku od 15 dana formira tim na način kako ga je predložio resorni ministar rada, zdravlja i socijalne skrbi, koji će pripremiti nacrt akcijskog lokalnog plana za HNŽ-e.“

Zaključak 2. „Zadužuje se Vlada HNŽ/K da formira koordinacijsko tijelo koje će biti sastavljeno od predstavnika ministarstava i koalicije udruga s ciljem praćenja i koordiniranja aktivnosti na realiziranju planova akcije.“

Zaključak 3. „Zadužuje se Vlada HNŽ/K da pokrene program asistenata u nastavi od drugog polugodišta školske 2015/2016. godine, te da koristi pogodnosti zakona o volontiranju i programa prijema i upošljavanja pripravnika.“

Zaključak 4. „Zadužuje se Ministarstvo rada, zdravlja i socijalne skrbi HNŽ/K da u okviru ministarstva ustanovi referat kojem će nadležnost biti koordinacija, praćenje i suradnja s udrugama koje se bave pitanjima osoba s invaliditetom.“

Zaključak 5. „Zadužuje se Ministarstvo prosvjete, znanosti, kulture i sporta HNŽ/K da izvrši korekciju nastavnih planova i programa i prilagodi ih položaju invalidnih osoba u cilju njihove integracije u društvo.“

Zaključak 6. „Zadužuje se Vlada HNŽ/K da kroz izmjene postojećih propisa omogući pristup i mobilnost invalidnih osoba u javnom prijevozu, u javnim objektima i parking prostorima.“

Zaključak 7. „Zadužuje se Ministarstvo zdravstva, rada i socijalne skrbi HNŽ/K da razmotri mogućnost pokretanja rada centara za fizikalnu i mentalnu rehabilitaciju pri domovima zdravlja u HNŽ/K.“

Zaključak 8. „Pozivamo jedinice lokalne samouprave da u skladu sa njihovim nadležnostima, a sukladno zaključcima Skupštine HNŽ/K, se uključe u provedbu mjera sadržanih u ovim zaključcima.“

Zaključak 9. „Zaključci će se objaviti u Službenim novinama/Narodnim novinama HNŽ/K“.

Zastupnica Vesna Saradžić dala je opasku vezano za rokove u realizaciji predloženih zaključaka.

Predsjedavajući je predložio Zaključak 10. Skupština će u prvom tromjesečju 2016.godine izvršiti analizu realizacije ovih zaključaka.

Usljedilo je glasovanje o predloženim zaključcima.

Nakon glasovanja konstatirano je da su zaključci jednoglasno prihvaćeni.

AD 3. Prijedlog Zakona o izmjeni Zakona o porezu na promet nekretnina HNŽ/K (skraćeni postupak)

Materijale je uputila Vlada.

Uz materijale je priloženo i mišljenje Povjerenstva za zakonodavno-pravna pitanja.

U ime predlagatelja obrazloženje je dala pomoćnica ministra financija Nada Glibić.

Otvorena je rasprava.

U raspravi je sudjelovao Šerif Špago.

Usljedilo je glasovanje za Prijedloga Zakona.

Nakon glasovanja konstatirano je da je Prijedlog Zakona jednoglasno prihvaćen.

AD 4. Prijedlog Zakona o izmjenama i dopunama Zakona o ugostiteljskoj djelatnosti HNŽ/K (tvrđen po hitnom postupku)

Materijale je uputila Vlada.

U ime predlagatelja obrazloženje je dao ministar trgovine, turizma i zaštite okoliša HNŽ/K Ajdin Teletović.

Uz materijale je priloženo i mišljenje Povjerenstva za zakonodavno-pravna pitanja.

Otvorena je rasprava.

U raspravi su sudjelovali: Šerif Špago, Amer Zagorčić, Zijat-Zijo Mušić, Osman Macić.

Klub SDA je predložio da Skupština donese zaključak: „Zadužuje se Vlada HNŽ/K i resorno ministarstvo da pristup izradi novog Zakona o ugostiteljskoj djelatnosti HNŽ/K.“

Usljedilo je glasovanje na predloženi zaključak.

Nakon glasovanja konstatirano je da je Zaključak jednoglasno prihvaćen.

Usljedilo je glasovanje za Prijedlog Zakona.

Nakon glasovanja konstatirano je da je većinom glasova ZA, s dva (2) glasa protiv i bez suzdržanih glasova, Prijedlog Zakona o izmjenama i dopunama Zakona o ugostiteljskoj djelatnosti HNŽ/K, prihvaćen.

AD 5. Prijedlog Odluke o postupku i uvjetima za utvrđivanje statusa građevina iz nadležnosti Županije izgrađenih bez pravomoćnog odobrenja za gradnju Materijale je uputila Vlada.

Uz materijale je priložen i Zaključak Povjerenstva za zakonodavno-pravna pitanja.

U ime predlagatelja obrazloženje je dao ministar graditeljstva i prostornog uređenja Suad Hasandedić.

Povjerenstvo za građenje, prostorni plan i zaštitu okoliša predložio je zaključak: Prijedlog Odluke o postupku i uvjetima za utvrđivanje statusa građevina iz mjerodavnosti županije izgrađenih bez pravomoćnog odobrenja za gradnju je donijet na temelju članka 45. stavak 1. Zakona o građenju, Narodne novine HNŽ/K broj 4/13. Razlog za donošenje odluke je potreba reguliranja postupka legalizacije građevina iz nadležnosti županije izgrađenih bez pravomoćnog odobrenja za gradnju na području HNŽ/K.

Povjerenstvo za zakonodavno pravna pitanja predložilo je zaključak koja je utvrdila da postoji ustavni i zakonski osnov za donošenje, odnosno usvajanje ove odluke.

Otvorena je rasprava.

U raspravi su sudjelovali: Šerif Špago, Osman Ćatić, Amer Zagorčić.

Usljedilo je glasovanje za Prijedlog Odluke.

Nakon glasovanja konstatirano je daje većinom glasova ZA, s dva (2) glasa protiv i bez suzdržanih glasova, Prijedlog Odluke o postupku i uvjetima za utvrđivanje statusa građevina iz nadležnosti Županije izgrađenih bez pravomoćnog odobrenja za gradnju, usvojen.

AD 6. Mišljenje na Nacrt Zakona o riznici u Federaciji BiH

Materijale je uputila Vlada

U ime predlagatelja obrazloženje je dala pomoćnica ministra financija Nada Glibić.

Otvorena je rasprava.

Predsjedavajući je predložio da Skupština usvoji zaključak koji glasi: Skupština HNŽ/K daje pozitivno mišljenje na Nacrt Zakona o riznici u F BiH.

Usljedilo je glasovanje o zaključku.

Nakon glasovanja konstatirano je zaključak jednoglasno prihvaćen.

Zamjenik predsjedavajućeg Skupštine HNŽ/K Tomislav Martinović je ispred Kolegija Skupštine HNŽ/K iznio na očitovanje zastupnicima prijedloge: 1. da se zaduži kolegij Skupštine da pokrene inicijativu uspostave e-Skupštine, odnosno e-Parlamenta. 2. vezano za upit medija da se odredi termin za izjave medijima 15 minuta prije početka sjednice Skupštine, a po završetku rada Skupštine da se na internetskoj stranici objave usvojene točke dnevnog reda. 3. Očitovanje zastupnika o dostavi pošte za rad u Skupštini HNŽ/K. Zastupnici će dobivati poštu onako, kako su se očitovali.

Predsjedavajući je konstatirao da Kolegij prihvaća obvezu da se zadužuje Kolegij Skupštine HNŽ/K za rad na ovom programu vezano za e-sistem rada u Skupštini HNŽ/K.

Predsjedavajući je zaključio sjednicu.

Sjednica je završila u 15:00 sati.

Zapisničar:

Suzana Puljić

Predsjedavajući

Šerif Špago

Bosna i Hercegovina
Federacija Bosne i Hercegovine
Hercegovačko-neretvanski kanton
S K U P Š T I N A

Broj:02-01-IX-240/15
Mostar, 10.11.2015. godine

IZVOD IZ ZAPISNIKA
sa devete (IX) sjednice Skupštine
Hercegovačko-neretvanskog kantona

Sjednica je održana 10.11.2015. godine u zgradi Skupštine u Mostaru s početkom u 11:00 sati.

Sjednicu je otvorio predsjedavajući Skupštine Šerif Špago i pozdravio prisutne osobito predstavnike Udruženja osoba s invaliditetom u HNK.

Sekretar Skupštine, Željka Čule obavila je prozivku.

Prisutni: Mara Anđelić, Boris Bošnjak, Ilija Cvitanović, Osman Ćatić, Mesud Džajić, Ramiz Fajić, Luka Faletar, Zlatko Hadžiomerović, Anel Kljako, Osman Macić, Andrea Pehar, Tomislav Martinović, Zijat Mušić, Ante Pavličević, Davor Pehar, Đuro Prkačin Dario Pušić, Ivona Raguž, Zoran Raič, Vesna Saradžić, Emir Šator, Amir Šelo, Ajman Šoše, Šerif Špago, Ana-Marija Tadić-Jakovljević, Adnan Velagić, Drago Tule, Amer Zagorčić, Aner Žuljević.

odsutnih nije bilo.

Konstatirano je da je na sjednici prisutno **29** zastupnika, odsutan **1**, te da postoji kvorum za rad i punovažno odlučivanje.

Predsjedavajući je napomenuo da je na mjesto Slađana Bevande mandat dodijeljen gosp. Stani Burić, koja iz zdravstvenih razloga nije bila prisutna na ovoj sjednici Skupštine HNK.

Prisutni po pozivu: predstavnici Vlade HNK, predstavnici međunarodnih organizacija i predstavnici sredstava informisanja.

Sjednica je javna, snimana je i snimci su sastavni dio ovog Izvoda iz zapisnika.

Predloženi dnevni red:

1. Poslanička pitanja,
2. Informacija o položaju osoba s invaliditetom u HNK sa prijedlogom mjera za poboljšanje statusa,
3. Prijedlog Zakona o izmjeni Zakona o porezu na promet nekretnina HNK (skraćeni postupak),
4. Prijedlog Zakona o izmjenama i dopunama Zakona o ugostiteljskoj djelatnosti HNK (utvrđen po hitnom postupku),
5. Prijedlog Odluke o postupku i uvjetima za utvrđivanje statusa građevina iz nadležnosti Kantona izgrađenih bez pravosnažnog odobrenja za građenje,
6. Mišljenje na Nacrt Zakona o trezoru u Federaciji BiH.

Otvorena je rasprava o predloženom dnevnom redu.

U raspravi su učestvovali: Šerif Špago i Amer Zagorčić.

poslanik Amer Zagorčić je, ipred Kluba SDP predložio da se 5. tačka dnevnog reda Prijedlog Odluke o postupku i uslovima za utvrđivanje statusa građevina iz nadležnosti Kantona izgrađenih bez pravosnažnog odobrenja za građenje, skine s dnevnog reda.

Usljedilo je glasanje o prijedlogu zastupnika Amera Zagorčića.

Nakon glasanja konstatovano je da prijedlog većinom glasova protiv nije prihvaćen.

Usljedilo je glasanje o 3. tački dnevnog reda da se Prijedlog Zakona o izmjeni Zakona o porezu na promet nekretnina HNK razmatra po skraćenom postupku.

Nakon glasanja konstatovano je da je jednoglasno prihvaćen prijedlog da se raspravlja po skraćenom postupku.

Usljedilo je glasanje o 4. tački dnevnog reda: da se Prijedlog Zakona o izmjenama i dopunama Zakona o ugostiteljskoj djelatnosti HNK razmatra po hitnom postupku.

Nakon glasanja konstatovano je da je većinom glasova za prihvaćeno da se o 4. tački dnevnog reda Prijedlog Zakona o izmjenama i dopunama Zakona o ugostiteljskoj djelatnosti HNK raspravlja po hitnom postupku.

Usljedilo je glasanje o predloženom dnevnom redu.

Nakon glasanja konstatovano je da je predloženi dnevni red većinom glasova za, sa četiri (4) glasa protiv i jednim (1) suzdržanim glasom usvojen.

Usvojeni dnevni red:

1. poslanička pitanja,
2. Informacija o položaju osoba sa invaliditetom u HNK s prijedlogom mjera za poboljšanje statusa,
3. Prijedlog Zakona o izmjeni Zakona o porezu na promet nekretnina HNK (skraćeni postupak),
4. Prijedlog Zakona o izmjenama i dopunama Zakona o ugostiteljskoj djelatnosti HNK (utvrđen po hitnom postupku),
5. Prijedlog Odluke o postupku i uslovima za utvrđivanje statusa građevina iz nadležnosti Kantona izgrađenih bez pravosnažnih odobrenja za građenje,
6. Mišljenje na Nacrt Zakona o trezoru u Federaciji BiH.

Predsjedavajući je napomenuo da su poslanici dobili Izvod iz zapisnika sa 8 sjednice Skupštine.

Otvorena je rasprava.

U raspravi su učestvovali: Šerif Špagao i Đuro Prkačin.

Poslanik Đuro Prkačin dao je primjedbu na neispravan popis prisutnih/odsutnih gdje je pogrešno zapisano da je poslanik Đuro Prkačin odsutan. Zastupnik Đuro Prkačin je bio prisutan, a odsutan je bio poslanik Davor Pehar.

Usljedilo je glasanje za Izvod iz zapisnika sa 8. sjednice Skupštine HNK uz ispravku.

Nakon glasanja konstatirano je da je zapisnik jednoglasno usvojen.

AD1. poslanička pitanja

Poslanik Aner Žuljević

Ja imam inicijativu prema stručnoj službi Vlade i prema stručnoj službi Skupštine, da se sa službenih stranica internet i Vlade i Skupštine skine Ustav HNK-a u ovoj verziji koju imamo. Nažalost, mi već godinama imamo situaciju da na stranicama imamo ustav koji nema blage veze sa onim ustavnim uređenjem i dokumentom po kojem bi se mi trebali u Skupštini ponašati, apelujem jednostavno jednim zaključkom da se obaveže ustavna komisija da što prije uradi prečišćeni tekst Ustava, a u skladu sa svim onim amandmanima koji su bili proglašavani u prethodnom periodu i da nakon toga vratimo zvanično te dokumente kompletirane na internet stranice, jer mi imamo još guvernera i zamjenika guvernera kad je u pitanju Ustav HNK-a.

Poslanik Amir Šelo

Ja bih imao jedno poslaničko pitanje prema Službi za zapošljavanje HNK-a i Ministarstvu zdravlja, rada i socijalne politike HNK-a. Zbog čega Služba za zapošljavanje HNK-a u prvostepenim postupcima ne priznaje ratnim vojnim invalidima koji primaju invalidninu, a koja prelazi mjesečno iznos od 25% prosječne plate u Federaciji, pravo na upis i evidenciju

nezaposlenih, iako se sva rješenja kojima je služba odbila pravo na upis u evidenciju nezaposlenih poništavaju žalbom u federalnom zavodu za zapošljavanje? Naime, šta me je ponukalo da postavim ovo poslaničko pitanje, u proteklom periodu od nekih pola godine određenim ratnim vojnim invalidima sam pomagao da pišu ove žalbe federalnom zavodu za zapošljavanje. Čovjek znači ratni vojni invalid je bio zaposlen u nekoj firmi, po prestanku rada u toj firmi čovjek hoće da se prijavi u službu za zapošljavanje, oni mu daju negativan odgovor. Znači oni se pozivaju tamo na odredbe člana 3 zakona o posredovanju u zapošljavanju, međutim svaka žalba koju sam ja pisao svaka je uvažena u federalnom zavodu za zapošljavanje. O čemu se radi? Znači tamo neće znači da se ljudima na šalterima, odnosno zaposlenicima službe, da se da tumačenje federalnog ministarstva rada i socijalne politike koji kaže da ratni vojni invalidi koji su korisnici lične invalidnine koja prelazi mjesečno iznos od 25% prosječne plate u Federaciji u smislu člana 3, stav 2, zakona o posredovanju u zapošljavanju kojima je prestao radni odnos imaju pravo da se u zakonskom roku prijave na evidenciju nezaposlenih osoba, a shodno navedenom po osnovu statusa o nezaposlenosti mogu ostvariti sva druga prava propisana zakonom. Znači u rješenjima prvostepenim koje izdaje služba oni se ne pozivaju na ovaj član, nego totalno drugačije tumače odredbe člana 3 B zakona o posredovanju u zapošljavanju. Također, pozivaju se i na presudu Ustavnog suda Federacije, koja čak i većini ratnih vojnih invalida nije dostupna. Ja sam ovdje napisao na tri stranice znači obrazloženje, znači poslaničko pitanje, jednom rečenicom obrazloženje, znači po svemu onome što sam pisao federalnom zavodu za zapošljavanje i od tumačenja ovoga, da se uvaži ovo tumačenje zakona o posredovanju i čak znači i ovu presudu koju pominju oni koja nema nikakve veze sa tom. Znači oni tumače da je invalidnina prihod, što totalno nije, znači invalidnina je neka druga vrsta primanja koja ne može ući u ovaj prihod koji prelazi 25% prosječne plate. Ja sam znači obrazložio ovdje detaljno sve ono što sam napisao federalnom zavodu za zapošljavanje, federalni zavod je to prihvatio, u svim slučajevima je poništio rješenja službe za zapošljavanje i ljudima je omogućio da se upišu u evidenciju nezaposlenih lica. Znači dugoročno da ne bi bilo da poslanici u Skupštini ne rade po tom pitanju ja bih apelirao i molio znači službu da mi pod hitno odgovori na ovo pitanje, po mogućnosti do sljedeće skupštine, jer ima još nekih takvih slučajeva, još sam trojici ljudi pisao žalbe federalnom zavodu za zapošljavanje, neće se sigurno ni u roku mjesec dana riješiti.

Imao bih jednu poslaničku inicijativu prema kolegiju Skupštine, da se na web stranici Skupštine izdvoji jedna posebna rubrika poslanička pitanja, da sva poslanička pitanja koja zastupnici postave budu objavljena u toj rubrici poslaničkih pitanja, zajedno sa odgovorom koji se nama dostavi. Zašto bi samo mi poslanici imali uvid u odgovore na poslanička pitanja, zašto to ne bi sve lijepo stajalo na web stranici Skupštine, kao što je recimo u kantonu Sarajevo i u nekim drugim kantonima.

poslanik Adnan Velagić

Ja imam jedno poslaničko pitanje i jednu inicijativu. Moje poslaničko pitanje odnosi se na ono što pitam, evo već drugi put, a to je, u kojoj je fazi rješavanje problema dežurne apoteke u Gradu Konjicu? Naime, to pitanje sam inicirao prije otprilike jedno pet do šest mjeseci, konkretnijih rezultata nemamo, nešto se kao poduzima, ali nemam informacija o tome zašto nije otvorena ta apoteka.

Drugo je inicijativa, odnosi se na ministarstvo obrazovanja. Naime, ova inicijativa se odnosi na dopunu zakona o visokom obrazovanju. Prijedlog dopune se odnosi na omogućavanje bržeg napredovanja u nastavna zvanja nastavnika koji su prije vremena ispunili sve uvjete osim vremenskog staža. Mi imamo danas situaciju na Univerzitetu, konkretno znači pozivam se na kuću iz koje ja dolazim, da određen vremenski period je nužan da protekne da bi nastavnik, odnosno saradnik, napredovao brže u zvanje, bez obzira ukoliko ispuni sve uvjete on ne može napredovati u više zvanje dok ne istekne tačno vremenski period. Pošto zakon o visokom obrazovanju dozvoljava i ima prostora moglo bi se znači u tom smislu nešto uraditi i stimulirati ostanak kadrova na Univerzitetu, koji je evo evidentno u jednoj negativnoj situaciji danas, fazi,

kako hoćete jeli. Naime, mi danas imamo situaciju da docent čeka pet godina, vanredni profesor šest godina da napreduje u više zvanje, bez obzira da je napisao deset knjiga, stotinu radova, itd., on mora čekati propisano vrijeme. Tako nije u pojedinim kantonima, konkretno Sarajevski kanton, omogućava se brže napredovanje i treba zakon o visokom obrazovanju da dozvoli i našim nastavnicima da brže napreduju. To će biti stimulirajuće, pa sam ovdje predložio ministru obrazovanja da docent ukoliko ispuni sve uvjete može mu se dati i dodatno nešto, da tri godine čeka, a vanredni profesor četiri godine. Ovo je prema ministarstvu obrazovanja.

Poslanik Ilija Cvitanović

Imam inicijativu ili prijedlog inicijative, pa kako se to već zvalo. Dakle, u ovom vremenskom periodu kalendarske godine je očekivat rebalans proračuna sa znatnim smanjenjima u svim županijama, vjerojatno izuzev sarajevske. U tom kontekstu Vlada Federacije BiH je na jednoj od proteklih sjednica donijela odluku o smanjenju procenta sudjelovanja županija u javnoj raspodjeli financija sa 51,48% na 51,23%, s namjerom uvrštavanja Grada Sarajeva na jedinstveni račun sa 0,25%, a to sve zbog odluke Ustavnog suda zbog povrede prava na lokalnu samoupravu. Vlada je dakle smanjila ponder Sarajevskoj županiji sa 2 na 1,96, što smatram parcijalnim rješenjima budući da je Sarajevska županija u velikoj prednosti u odnosu na ostale sve županije, a ovom provedbom odluke Ustavnog suda i Grad Sarajevo u odnosu na ostale općine i gradove u ovoj županiji imat će puno lagodniju poziciju što se tiče javnih financija. Stoga predlažem da zastupnici kroz Dom naroda iz ove županije, budući da ih je velik broj, a ministara u Vladi Federacije iz ove županije je veliki broj, da pokrenu inicijativu za izmjenu Zakona o pripadnosti javnih prihoda. Tako da bismo imali pravedniju raspodjelu javnih prihoda po županijama i po općinama i gradovima.

Poslanik Osman Ćatić

Moje pitanje bit će upućeno Poreznoj upravi F BiH i Zavodu zdravstvenog osiguranja HNK-a, a glasi: «Koliko se uplaćuje doprinosa za zdravstveno osiguranje Zavodu zdravstvenog osiguranja HNK-a? Molim da mi se dostavi tabelarni prikaz uplata doprinosa za osiguranike od strane obaveznika osiguranja sa područja svih opština u kantonu i Grada Mostara, ukupno za 2014. godinu i prvih 9 mjeseci 2015. godine.

Poslanica Andrea Pehar

Moje pitanje upućeno je Zavodu za zapošljavanje HNŽ-a, a ono glasi: „koliki broj neuposlenih osoba starijih od 50 godina vodi se u evidenciji Zavoda za zapošljavanje? Smatram da je to osjetljiva kategorija društva kojoj svakako treba pomoći pri zapošljavanju, odnosno rješavanju njihove egzistencije.

Upućujem inicijativu Ministarstvu kulture, obrazovanja, znanosti i športa HNŽ-a, da putem ravnatelja osnovnih škola usmjeri jednodnevne izlete i ekskurzije djece do 8.-og razreda škole, da to isto obave u našoj državi, dakle da se učenici osnovnih škola prvo upoznaju sa kulturnim i zemljopisnim bogatstvima svoje države, a tek poslije da upoznaju bogatstva drugih država. Time bi se uštedjela značajna sredstva kako roditeljima, tako i školama.

Poslanica Vesna Saradžić

Ja imam dva poslanička pitanja.

Prvo moje pitanje je vezano za kvalitetnu strategiju za osobe sa kombinovanim smetnjama i interesuje me kad će se osigurati takva strategija, te realizacija podrške lokalnih potreba uključivanja u koncept podrške osoba starijih od obaveznog školskog uzrasta na individualnom nivou i na nivou porodice, jer time bi se kroz sistemsku plansku podršku održavanja usvojenih navika te učešća u radno okupacionim aktivnostima dao vid afirmacije tim osobama? Isto tako time bi se kao rezultat ostvarilo osiguranje povoljnih uslova za radno angažovanje kako članova porodice i osiguranja egzistencije te psihološka podrška zaštititi mentalnog zdravlja porodice. Mi znamo za Stolac, znamo za neke druge centre koji okupljaju

jedan dio ovih šticećenika, međutim isto tako postoji veliki broj njih koji ne žele da se razdvajaju od svojih porodica, tako da žive u kući bez ikakvog socijalnog života.

Moje drugo pitanje je vezano za nedavnu reformsku agendu o kojoj smo raspravljali ovdje u Skupštini i koracima koji stoje pred nama, odnosno pred našim kantonom vezano za domaću zadaću koju trebamo uraditi. Mi znamo svi da je Mostar administrativno sjedište HNK-a i shodno tome trebalo bi da prednjači i bude primjer po mnogo čemu. Nažalost, prva slika kad se uđe u Mostar ono što nas dočeka je to da prednjači kada je u pitanju smeće razbacano svuda, komunalni otpad i ovaj neadekvatno zbrinute deponije. Mene interesuje, kada i na koji način će se riješiti ovaj vrlo urgentan i očit problem, imajući u vidu poglavlje 27 koje predstavlja zaštitu životne sredine, a koje je bitno za pregovore sa Evropskom Unijom?

Poslanik Zijat-Zijo Mušić

Ja sam obećao i nije ovo pitanje, moja rubrika do Božića i Nove Godine u tim pitanjima će biti nula, jer neću postavljat pitanja, samo ću pomoć ovoj Vladi do prvih 100 dana i pokrenut ću danas još jednu inicijativu. Mislim da trebamo ovo, današnja inicijativa moja će ići u pravcu da Vlada i resorno ministarstvo pokrene inicijativu o izmjeni Zakona o primanjima izabranih dužnosnika. Iz kojeg razloga? Zato što mislim da mi profesionalci u Skupštini HNK-a trebamo na neki drugačiji način regulisati kada su u pitanju naši prijevozi jer nemamo stalno radno mjesto, nemamo prostora ovdje, i drugačije regulisati u zakonu, ovo je zakonska osnova, topli obrok, ili te dvije stavke u potpunosti u zakonu o izabranim dužnosnicima obrisati ili riješiti na neki drugi način. Mislim da sadašnja primjena zakona i ono što je stvarnost nije to baš isto jer mi ovdje smo jednom ili dvaputa u mjesecu, a imamo topli obrok, imamo prijevoz, obračunat prijevoz od autobusa do sjedišta skupštine. Sve to nije precizno regulisano kako bi i onim koji obračunavaju, službama u skupštini omogućili da to bude na transparentan i zakonit način i kako bi mi kao poslanici i ljudi koje je izabrao narod bili transparentni u svojim primanjima.

Poslanik Šerif Špago

Poslaničko pitanje upućeno Ministarstvima Vlade HNK-svi, Uredu Predsjednika Vlade HNK, Stručna služba Vlade HNK, Samostalne Uprave i Zavodi HNK, ZZO HNK-Služba za zapošljavanje HNK, Fond za zaštitu okoliša HNK.

Uredbom Vlade HNK („Službene novine HNK“ br.3/10) regulisana su pitanja uslova i načina korištenja službenih putničkih vozila koja su vlasništvo HNK. Zaključkom Skupštine HNK („Službene novine HNK“ br.8/13) zadužena je Vlada HNK o sprečavanju nenamjenskog korištenja službenih vozila. Imajući u vidu da i dalje postoje zloupotrebe u korištenju službenih vozila, posebno člana 4. Pomenute Uredbe (korištenje službenih vozila u vanredno vrijeme za privatne svrhe), a na osnovu člana 128. Poslovnika Skupštine HNK („Službene novine HNK“ br.2/05), potrebno je da mi gore navedeni Kantonalni organi-institucije dostave sljedeće podatke:

- Ko od rukovodećih državnih službenika, savjetnika ili drugih zaposlenika (navesti naziv rukovodeće ili druge pozicije) u organima uprave HNK koristi službeno vozilo za dolazak ili odlazak sa posla ili koristi službeno vozilo 24 sata (podrazumijeva se da vozilo nije parkirano na parking u navedene institucije u vanredno vrijeme) i po čijem odobrenju-kojem propisu.

- Dostaviti podatke o ređenoj kilometraži i o potrošnji goriva za mjesec oktobar 2015. godine, pojedinačno za svako službeno vozilo, a koja koriste osobe iz prethodnog stava (ne dostavljati podatke za službena vozila koja koriste Predsjednik Vlade, ministri u Vladi HNK i direktori van budžetskih fondova).

Drugo poslaničko pitanje upućeno svim ministarstvima Vlade HNK, Uredu predsjednika Vlade HNK, Stručnoj službi Vlade HNK.

Na osnovu člana 128. Poslovnika Skupštine HNK („Sl.N. HNK“ br.2/05), potrebno je da mi gore navedeni Kantonalni organi uprave dostave pisani odgovor po sljedećem:

Šta je preduzeto na izvršenju Presude Kantonalnog Suda Mostar broj 07 0 U 009781 14 U od 6.8.2015. godine u predmetu isplate naknade za rad u komisijama, kojima je odbijena tužba

Ministarstva trgovine, turizma i zaštite okoliša HNK na Rješenje Ministarstva finansija o obustavi isplate naknada za rad pojedinih komisija?

Smatram da je Vlada trebala formirati interesornu grupu, koja će analizirati sve vezano za pomenutu presudu, i obezbjediti:

5. Povrat novčanih sredstava koja su isplaćena po rješenjima koja tretira Presuda Kantonalnog suda (donošenje rješenja o povratu novčanih sredstava dobrovoljno ili odbijanjem od plate).
6. Izvršiti analizu svih rješenja kojima su formirane razne komisije, a za koje je rješenjem predviđeno plaćanje istih, a koja shodno obrazloženju presude Suda nemaju pravo na novčanu naknadu, te naložiti rukovodiocima kantonalnih organa donošenje novih rješenja kojima će se regulisati da pomenute komisije nemaju pravo na naknadu, prioriteto za komisije koje su formirane u 2015. godini, jer za iste još nije isplaćena novčana naknada.
7. Izmjenu Pravilnika o sistematizaciji radnih mjesta u organima Uprave, u kojima će se precizno navesti poslovi koje pojedini zaposlenici obavljaju, a za koje su do sad formirane razne privremene ili stalne komisije.
8. Izvršiti analizu Pravilnika o formiranju komisija i načina plaćanja, te iste uskladiti sa planiranim mjerama štednje ili staviti iste van snage.

AD 2. Informacija o položaju osoba sa invaliditetom u HNK sa prijedlogom mjera za poboljšanje statusa

Materijale je uputila Vlada.

U ime predlagača obrazloženje je dao ministar zdravstva, rada i socijalne zaštite Goran Opsenica.

Nakon izlaganja Ministra Opsenice, predsjedavajući je dao riječ predstavnicima udruženja osoba sa invaliditetom u HNK gđi Jasni Rebac, i gđi Danijeli Kegelj.

Otvorena je rasprava.

U raspravi su učestvovali: Šerif Špago, Elmir Šator, Tomislav Martinović, Amir Šelo, Mara Anđelić, Davor Pehar.

Predsjedavajući je predložio pauzu, kako bi poslanici, koji imaju prijedlog zaključka, mogli iste dostaviti u pisanoj formi, kako bi se usaglasile i predložile na usvajanje.

Usljedila je pauza.

Sjednica je nastavljena u 12:50 sati.

Predsjedavajući je konstatovao da postoji kvorum za nastavak Sjednice.

Zamjenik predsjedavajućeg Skupštine HNK Tomislav Martinović pročitao je zaključke kako slijede:

Zaključak 1. „Zadužuje se Vlada HNK da u roku od 15 dana formira tim na način kako ga je predložio resorni ministar zdravstva, rada i socijalne zaštite, koji će pripremiti nacrt akcijskog lokalnog plana za HNK.“

Zaključak 2. „Zadužuje se Vlada HNK da formira koordinacijsko tijelo koje će biti sastavljeno od predstavnika ministarstava i koalicije udruga s ciljem praćenja i koordiniranja aktivnosti na realiziranju planova akcije.“

Zaključak 3. „Zadužuje se Vlada HNK da pokrene program asistenata u nastavi od drugog polugodišta školske 2015/2016. godine, te da koristi pogodnosti zakona o volontiranju i programa prijema i upošljavanja pripravnika.“

Zaključak 4. „Zadužuje se Ministarstvo rada, zdravstva i socijalne skrbi HNK da u okviru ministarstva ustanovi referat kojem će nadležnost biti koordinacija, praćenje i suradnja sa udrugama koje se bave pitanjima osoba s invaliditetom.“

Zaključak 5. „Zadužuje se Ministarstvo obrazovanja, nauke, kulture i sporta HNK da izvrši korekciju nastavnih planova i programa i prilagodi ih položaju invalidnih osoba u cilju njihove integracije u društvo.“

Zaključak 6. „Zadužuje se Vlada HNK da kroz izmjene postojećih propisa omogući pristup i mobilnost invalidnih osoba u javnom prijevozu, u javnim objektima i parking prostorima.“

Zaključak 7. „Zadužuje se Ministarstvo zdravstva, rada i socijalne zaštite HNK da razmotri mogućnost pokretanja rada centara za fizikalnu i mentalnu rehabilitaciju pri domovima zdravlja u HNK.“

Zaključak 8. „Pozivamo jedinice lokalne samouprave da u skladu sa njihovim nadležnostima, a sukladno zaključcima Skupštine HNK, se uključe u provedbu mjera sadržanih u ovim zaključcima.“

Zaključak 9. „Zaključci će se objaviti u Službenim novinama/Narodnim novinama HNK“.

poslanica Vesna Saradžić dala je opasku vezano za rokove u realizaciji predloženih zaključaka.

Predsjedavajući je predložio Zaključak 10. Skupština će u prvom tromjesečju 2016.godine izvršiti analizu realizacije ovih zaključaka.

Usljedilo je glasanje o predloženim zaključcima.

Nakon glasanja konstatovano je da su zaključci jednoglasno prihvaćeni.

AD 3. Prijedlog Zakona o izmjeni Zakona o porezu na promet nekretnina HNK (skraćeni postupak)

Materijale je uputila Vlada.

Uz materijale je priloženo i mišljenje Komisije za zakonodavno-pravna pitanja.

U ime predlagača obrazloženje je dala pomoćnica ministra financija Nada Glibić.

Otvorena je rasprava.

U raspravi je učestvovao Šerif Špago.

Usljedilo je glasanje za Prijedloga Zakona.

Nakon glasanja konstatovano je da je Prijedlog Zakona jednoglasno prihvaćen.

AD 4. Prijedlog Zakona o izmjenama i dopunama Zakona o ugostiteljskoj djelatnosti HNK (tvrđen po hitnom postupku)

Materijale je uputila Vlada.

U ime predlagača obrazloženje je dao ministar trgovine, turizma i zaštite okoline HNK Ajdin Teletović.

Uz materijale je priloženo i mišljenje Komisije za zakonodavno-pravna pitanja.

Otvorena je rasprava.

U raspravi su učestvovali: Šerif Špago, Amer Zagorčić, Zijat-Zijo Mušić, Osman Macić.

Klub SDA je predložio da Skupština donese zaključak: „Zadužuje se Vlada HNK i resorno ministarstvo da pristupi izradi novog Zakona o ugostiteljskoj djelatnosti HNK.“

Usljedilo je glasanje na predloženi zaključak.

Nakon glasanja konstatovano je da je Zaključak jednoglasno prihvaćen.

Usljedilo je glasanje za Prijedlog Zakona.

Nakon glasanja konstatovano je da je većinom glasova ZA, s dva (2) glasa protiv i bez suzdržanih glasova, Prijedlog Zakona o izmjenama i dopunama Zakona o ugostiteljskoj djelatnosti HNK, prihvaćen.

AD 5. Prijedlog Odluke o postupku i uslovima za utvrđivanje statusa građevina iz nadležnosti Kantona izgrađenih bez pravosnažnog odobrenja za gradnju Materijale je uputila Vlada.

Uz materijale je priložen i Zaključak Komisije za zakonodavno-pravna pitanja.

U ime predlagatelja obrazloženje je dao ministar građenja i prostornog uređenja Suad Hasandedić.

Komisija za građenje, prostorni plan i zaštitu okoliša predložio je zaključak: Prijedlog Odluke o postupku i uslovima za utvrđivanje statusa građevina iz mjerodavnosti Kantona izgrađenih bez pravosnažnog odobrenja za građenje je donijet na temelju člana 45. stav 1. Zakona o građenju, Službene novine HNK broj 4/13. Razlog za donošenje odluke je potreba regulisanja postupka legalizacije građevina iz nadležnosti kantona izgrađenih bez pravosnažnog odobrenja za građenje na području HNK.

Komisija za zakonodavno pravna pitanja predložila je zaključak koja je utvrdila da postoji ustavni i zakonski osnov za donošenje, odnosno usvajanje ove odluke.

Otvorena je rasprava.

U raspravi su učestvovali: Šerif Špago, Osman Ćatić, Amer Zagorčić.

Usljedilo je glasanje za Prijedlog Odluke.

Nakon glasanja konstatovano je da je većinom glasova ZA, s dva (2) glasa protiv i bez suzdržanih glasova, Prijedlog Odluke o postupku i uslovima za utvrđivanje statusa građevina iz nadležnosti Kantona izgrađenih bez pravosnažnog odobrenja za građenje, usvojen.

AD 6. Mišljenje na Nacrt Zakona o trezoru u Federaciji BiH

Materijale je uputila Vlada

U ime predlagatelja obrazloženje je dala pomoćnica ministra financija Nada Glibić.

Otvorena je rasprava.

Predsjedavajući je predložio da Skupština usvoji zaključak koji glasi: Skupština HNK daje pozitivno mišljenje na Nacrt Zakona o trezoru u F BiH.

Usljedilo je glasanje o zaključku.

Nakon glasanja konstatovano je da je zaključak jednoglasno prihvaćen.

Zamjenik predsjedavajućeg Skupštine HNK Tomislav Martinović je ispred Kolegija Skupštine HNK poslanicima iznio na očitovanje prijedloge: 1. da se zaduži kolegij Skupštine da pokrene inicijativu uspostave e-Skupštine, odnosno e-Parlamenta. 2. vezano za upit medija da se odredi termin za izjave medijima 15 minuta prije početka sjednice Skupštine, a po završetku rada Skupštine da se na internetskoj stranici objave usvojene tačke dnevnog reda. 3. Očitovanje poslanika o dostavi pošte za rad u Skupštini HNK. poslanici će dobivati poštu onako, kako su se očitovali.

Predsjedavajući je konstatovao da Kolegij prihvaća obavezu da se zadužuje Kolegij Skupštine HNK za rad na ovom programu vezano za e-sistem rada u Skupštini HNK.

Predsjedavajući je zaključio sjednicu.

Sjednica je završila u 15:00 sati.

Zapisničar:

Suzana Puljić

Predsjedavajući

Šerif Špago